



I-X/2021

Тархаасан: 2021 оны 11 дүгээр сарын 15




Бүртгэгдсэн гэмт хэрэг өмнөх оны мөн үеэс 889 (4.2%)-өөр буурсан байна

Бүртгэгдсэн гэмт хэрэг 2021 оны эхний 10 сард 20253 болж, өмнөх оны мөн үеэс 889 (4.2%)-өөр буурчээ. Нийт бүртгэгдсэн гэмт хэрэг өмнөх оны мөн үеэс буурахад өмчлөх эрхийн эсрэг гэмт хэрэг 673 (5.8%), хүний эрүүл мэндийн халдашгүй байдлын эсрэг гэмт хэрэг 181 (2.9%), хөдөлгөөний аюулгүй байдал, тээврийн хэрэгслийн ашиглалтын журмын эсрэг гэмт хэрэг 99 (11.7%), хүрээлэн байгаа орчны эсрэг гэмт хэрэг 70 (12.7%)-аар тус тус буурсан нь голлон нөлөөлжээ. Харин олон нийтийн аюулгүй байдал, ашиг сонирхлын эсрэг гэмт хэрэг 177 (68.6%)-гоор өссөн байна.

Энэ оны 10 дугаар сард 3376 хэрэг бүртгэгдсэн нь өмнөх сараас 434 (14.8%)-өөр өсөхөд өмчлөх эрхийн эсрэг гэмт хэрэг 409 (23.6%)-өөр өссөн нь голлон нөлөөлжээ.

ЗУРАГ 1. БҮРТГЭГДСЭН ГЭМТ ХЭРЭГ, сараар



Гэр бүлийн хүчирхийллийн улмаас үйлдэгдсэн 1107 хэргийн 97 (8.8%) нь Монгол Улсын Эрүүгийн хуулийн 11.7 дугаар зүйл (Гэр бүлийн хүчирхийлэл үйлдэх гэмт хэрэг)-ээр зүйлчлэгдсэн байна.

Гэр бүлийн хүчирхийлэл үйлдэх гэмт хэрэг 2021 оны эхний 10 сард 97 бүртгэгдсэн нь өмнөх оны мөн үеэс 7 (7.8%)-гоор өсжээ. Харин 2021 оны 10 дугаар сард 8 хэрэг бүртгэгдсэн нь өмнөх сараас 2 (33.3%)-оор өссөн байна.

Гэр бүлийн хүчирхийллийн улмаас 2021 оны эхний 10 сард 7559 зөрчил бүртгэгдсэний 5414 (71.6%) зөрчлийг шалган шийдвэрлэжээ.

Бүртгэгдсэн гэр бүлийн хүчирхийллийн нийт зөрчил өмнөх оны мөн үеэс 1423 (15.8%)-аар, шийдвэрлэсэн гэр бүлийн хүчирхийллийн нийт зөрчил 1831 (25.3%)-ээр тус тус буурчээ.

16, түүнээс дээш насны 10000 хүнд ногдох бүртгэгдсэн гэмт хэрэг 2021 оны эхний 10 сард 95 болж, өмнөх оны мөн үеэс 4 (4.0%)-өөр буурсан байна. Харин 2021 оны 10 дугаар сард өмнөх сараас 2 (14.3%)-оор өсжээ.


Гэр бүлийн хүчирхийллийн улмаас үйлдэгдсэн гэмт хэрэг 2021 оны эхний 10 сард 1107 болж, өмнөх оны мөн үеэс 180 (19.4%)-аар нэмэгдэж, харин согтуугаар үйлдсэн гэмт хэрэг 3766 болж, 320 (7.8%)-оор, бүлэглэн үйлдсэн хэрэг 1036 болж, 237 (18.6%)-гоор, мансуурсан үедээ үйлдсэн хэрэг 137 болж, 31 (18.5%)-ээр, хүүхэд оролцсон хэрэг 545 болж, 30 (5.2%)-аар, эмэгтэй хүн оролцсон хэрэг 2859 болж, 52 (1.8%)-оор тус тус буурчээ.

ЗУРАГ 2. УЧИРСАН ХОХИРОЛ БОЛОН НӨХӨН ТӨЛҮҮЛСЭН ХОХИРОЛ, сараар, тэрбум төгрөгөөр



Гэмт хэргийн улмаас учирсан хохирол 2021 оны эхний 10 сард 141.5 тэрбум төгрөг, нөхөн төлүүлсэн хохирлын хэмжээ 63.8 тэрбум төгрөг болж, өмнөх оны мөн үеэс учирсан хохирол 115.0 (44.8%) тэрбум төгрөгөөр буурч, харин нөхөн төлүүлсэн хохирол 3.1 (5.1%) тэрбум төгрөгөөр өссөн байна.

ЗУРАГ 3. ГЭМТ ХЭРЭГТ ХОЛБОГДСОН ЯЛЛАГДАГЧ, насны бүлгээр, жил бүрийн эхний 10 сарын байдлаар



Гэмт хэрэгт холбогдсон нийт яллагдагчдын тоо 2021 оны эхний 10 сард 14079 болж, өмнөх оны мөн үеэс 146 (1.0%)-гаар өсжээ. Нийт гэмт хэрэгт холбогдсон яллагдагчийн 670 (4.8%) нь 18 хүртэлх насны хүүхэд, 2387 (17.0%) нь эмэгтэйчүүд байна.

ХҮСНЭГТ 1. ГЭМТ ХЭРГИЙН УЛМААС ХОХИРСОН, ГЭМТСЭН, НАС БАРСАН ХҮН, насны бүлгээр, хүйсээр, жил бүрийн эхний 10 сарын байдлаар

Үзүүлэлт	Хохирсон хүн		Гэмтсэн хүн		Нас барсан хүн		Гэмт хэргийн улмаас хохирсон хүн 2021 оны эхний 10 сард 19.8 мянга болж, 990 (5.0%) нь 18 хүртэлх насны хүүхэд, 9032 (45.6%) нь эмэгтэйчүүд байна. Гэмт хэргийн улмаас 2021 оны эхний 10 сард 6625 хүн гэмтэж, 537 хүн нас барсан нь өмнөх оны мөн үеэс гэмтсэн хүн 326 (4.7%)-гаар, нас барсан хүн 99 (15.6%)-өөр буурчээ.
	2020	2021	2020	2021	2020	2021	
	I-X	I-X	I-X	I-X	I-X	I-X	
7 хүртэлх	136	130	54	67	61	43	
8-17	874	860	361	334	37	23	
18-29	5 300	5 185	2 098	1 879	83	77	
30-39	6 702	6 498	2 247	2 172	131	139	
40-49	4 288	4 190	1 245	1 277	138	120	
50-59	2 498	2 080	715	644	116	88	
60-69	864	700	189	187	44	35	
70, түүнээс дээш	220	184	42	65	26	12	
Улсын дүн	20 882	19 827	6 951	6 625	636	537	
Эмэгтэй	8 527	9 032	2 643	2 485	173	141	

Улсын хэмжээнд 2021 оны эхний 10 сард 54.8 мянган хүн эрүүлжүүлэгдэж, 11.4 мянган хүн баривчлагдсан нь өмнөх оны мөн үеэс эрүүлжүүлэгдсэн хүн 27.4 (33.4%) мянгаар, баривчлагдсан хүн 2.9 (20.6%) мянгаар буурсан байна.

Авлигатай тэмцэх газарт 2021 оны эхний 10 сард 289 авлигын хэрэг бүртгэгджээ


Авлигатай тэмцэх газрын Мөрдөн шалгах хэлтэст 2021 оны эхний 10 сард 289 авлигын хэрэг бүртгэгдсэн нь өмнөх оны мөн үеэс 21 (7.8%)-ээр өсжээ.

Авлигын гэмт хэрэг өмнөх оны мөн үеэс өсөхөд эрх мэдэл, албан тушаалын байдлаа урвуулан ашиглах гэмт хэрэг 22 (11.6%)-оор, хахууль авах гэмт хэрэг 5 (8.9%)-аар, хуулийн этгээдийн эрх мэдлийг урвуулан ашиглах гэмт хэрэг 4 (5.0 дахин)-өөр өссөн нь голлон нөлөөлжээ.

Харин 2021 оны 10 дугаар сард 39 авлигын хэрэг бүртгэгдсэн нь өмнөх сараас 1 (2.5%)-ээр буурахад хахууль өгөх гэмт хэрэг 3 (60.0%)-аар буурсан нь голлон нөлөөлжээ.

Бүртгэгдсэн 289 хавтаст авлигын хэргийг Монгол Улсын Эрүүгийн хуулийн 22 дугаар бүлгийн зүйлээр ангилахад 212 (66.7%) нь эрх мэдэл, албан тушаалын байдлаа урвуулан ашиглах, 61 (19.2%) нь хахууль авах гэмт хэрэг, 31 (9.7%) нь хахууль өгөх гэмт хэрэг, 7 (2.2%) нь үндэслэлгүйгээр хөрөнгөжих гэмт хэрэг, 5 (1.6%) нь хуулийн этгээдийн эрх мэдлийг урвуулан ашиглах гэмт хэрэг, 2 (0.6%) нь төсвийн хөрөнгийг зориулалтын бусаар зарцуулах гэмт хэрэг байна.

ЗУРАГ 4. АВЛИГЫН ГЭМТ ХЭРЭГ, хэргийн төрлөөр, жил бүрийн эхний 10 сарын байдлаар



Ойлголт, тодорхойлолт

Гэмт хэрэг: Монгол Улсын Эрүүгийн хуулийн тусгай ангид заасан нийгэмд аюултай гэм буруутай үйлдэл, эс үйлдэхүйг ойлгоно.

16, түүнээс дээш насны 10000 хүнд ногдох бүртгэгдсэн гэмт хэрэг: Тухайн хугацаанд бүртгэгдсэн нийт гэмт хэргийн тоог 16, түүнээс дээш насны хүн амын жилийн дундаж тоонд харьцуулж, 10000-аар үржүүлж тооцно.

Хохирогч: Монгол Улсын “Эрүүгийн хэрэг хянан шийдвэрлэх тухай” хуульд заасны дагуу гэмт хэргийн улмаас амь нас, эрүүл мэнд, бусад эрх, эрх чөлөө, эд хөрөнгийн болон эд хөрөнгийн бус хохирол хүлээсэн хүн, хуулийн этгээдийг ойлгоно.

Гэмт хэргийн хохирол: Монгол Улсын Эрүүгийн хуулийн тусгай ангид заасан гэмт хэргийн улмаас хүний амь нас, эрүүл мэнд, эд хөрөнгө, бусад эрх, эрх чөлөө, нийтийн болон үндэсний ашиг сонирхол, аюулгүй байдалд шууд учирсан үр дагаврыг гэмт хэргийн хохиролд тооцно.

Яллагдагч: Монгол Улсын “Эрүүгийн хэрэг хянан шийдвэрлэх тухай” хуульд заасны дагуу эрүүгийн хэрэг үүсгэж яллагдагчаар татах тогтоолтой танилцсан сэжигтнийг ойлгоно.

Авлигын гэмт хэрэг: Монгол Улсын Эрүүгийн хуулийн 22 дугаар бүлэгт зааснаар авлигын гэмт хэрэгт эрх мэдэл, албан тушаалын байдлаа урвуулан ашиглах, гадаад улсын төрийн байгууллага, олон улсын байгууллагын албан тушаалтан эрх мэдлээ урвуулан ашиглах, хахууль авах, хахууль өгөх, гадаад улсын төрийн байгууллага, олон улсын байгууллагын албан тушаалтныг хахуульдах, улсын нөөцийг хууль бусаар зарцуулах, үрэгдүүлэх, төсвийн хөрөнгийг зориулалтын бусаар зарцуулах, төрийн өмчийн төсвийн бус хөрөнгийг зориулалтын бусаар зарцуулах, үндэслэлгүйгээр хөрөнгөжих, дураараа аашлах, хуулийн этгээдийн эрх мэдлийг урвуулан ашиглах гэмт үйлдлүүдийг хамруулна.



Эх үүсвэр:

Цагдаагийн Ерөнхий Газрын мэдээлэл
Авлигатай тэмцэх газрын мэдээлэл

Ангилал, код:

Гэмт хэргийн статистикийн олон улсын ангилал

Мэдээлэл авах холбоос:

<http://www.nso.mn/>

<http://www.1212.mn/>

Дараагийн мэдээ гархаах хуваарь:

2021 оны 12 дугаар сарын 15

Нийгмийн статистикийн газрын
дарга А.Амарбал
Утас: (976-51)-264805

Нийгмийн статистикийн газрын Нийгмийн
статистикийн хэлтсийн статистикч
Ц.Дулмаа
Утас: (976-51)-263966

